



RAMAS PGKLA RNGAYAN QMITA KANA TRUKU KLWAAN

太魯閣國家公園

Pusu kari 沿革

1927 hngkawas knlwaan Nihung siida • Gbiyuk Truku o gneegan tg 1 maspat suyang qmita Taywang • 1937



俯瞰立霧溪谷 (林茂耀／攝)

11 idas 28 jiyax do phiyug Qpahan kmlawa Rngayan qmita kana Truku Kiwaan •

Ramas kari 概況

Kiyig bi gsilung paru nklaan hidaw ka Rngayan qmita kana Truku Kiwaan • mlutut Dgiyaa Hagay ka quri ryaxan hidaw • Niqan ququy Dgiyaa Bburaw • mggaluk Dgiyaa kibiyun ni ququy Dgiyaa Towpuk • bkgun kbkuy dgiyaa Taywang ka nil o niqan 27 dgiyaa paru • niqan saw sklwiun kana talangan Gbiyuk Truku • paru bi hnigan saw sklwiun katu Dowras lyax paru • suyang afaan Yayung Paru mmirai sqalul tmbabuy • Yayung Towsay • Yayung Skadang •



合歡東峰 (林茂耀／攝)



白耳畫眉 (王健得／攝)



臺灣水鹿 (王彩葵／攝)

fasil mqbult ka hru aji hmut knmalu • yahan msanay ana manu mneudus bbuyu ka lala bi keelgan maaw nil • niqan 47 klgan ka dmanga unuh mneudus • 210 klgan ka qbhni • 15 klgan muudus babaw dxgal ni ska qsiya • 35 klgan ka muudus mkkarang • 21 klgan ka qsurux yayung • 1.150 klgan ka kuwi • aji hmut knlala ka ga muudus kska hini suyang bi qtaan •

knsuyang pngpung dgiyaa 高山之美

Bbaraw balay ka dxgal Rngayan qmita kana Truku Kiwaan • paah ryaxan hidaw mquri nklaan hidaw • 2000 mtr.quri baraw ka dgiyaa o yaa bi smka kana dxgal • pdalih 1/6 kiya o 3000mtr. quri baraw ka dgiyaa paru • bnkgan hangan "kbkuy dgiyaa Taywang" • o niqan 27 knlala • ppngpung Dgiyaa Towpuk • ppngpung mggaluk Dgiyaa kibiyun ni ppngpung Dgiyaa Bburaw ka pusu bi dgiyaa • Dgiyaa Towpuk o niqan 3.742mtr • tnegkalan dgiyaa paah gsilung knpraan na kiya o tgpau dgiyaa Rngayan qmita kana Truku Kiwaan • nliqan aji hmut knmalu llingay muudus •



奇萊北峰與玉山柱鵲 (林茂耀／攝)



玉山圓柏 (林茂耀／攝)

Endaan kndsans seelja 人文歷史

Ana saw smilusg katu dowras ka hnigan dxgal gbiyuk • kiya ka kiya ni saw endaan dha qmita o brah 2000 hngkawas sbiyaw balay do niqan kingal qmpringan seelja kiya o kakat qraqil seelja ni mdka bi saw seelja mgimax knkla kndsans seelja Puyumanan mtmay quwaq Yayung Paru (kika dxgal Bsgan sbiyaw jnnia hiya ka muudus • kiya ka nil o tgpelalay bi mnna hiya Truku sun • smngul na hi o qmpringan mdka bi saw seelja Bruwan hnigan dha dmuuy dxgal nuduh qngqaya 13 hagat knkla kndsans • yaa bi brah 1200 hngkawas mtmay dxgal glang siyaw Yayung Paru • mniq hiya ka mkBruwan • mkSipaw ni mkBlhingun Yayung Towsay • kiya o qntaan dha dxgal nniqan dha kana •



太魯閣族口簧琴 (楊湘文／攝)

Brah 300 hngkawas do mniq baraw Yayung Msusaq ka Truku • thjil maquri nklaan hidaw mtmay mniq glang dxgal siyaw Yayung Paru • Babaw na mkeekan Truku ka mrata Nihung ni mkeekan Paran ka seelja knlwaan Nihung o psikixun dha Pthjil breenux kana ka Truku •

Mkla bi mkeekan ka snaw Truku ni mkla bi Tminun ka kuyuh Truku sbiyaw • gaya sapah o laqi ka mlutut tama na • smapuh utux rudan o alang niqan paah 1 bitaaq yaa piya gaya ka kngkingal alang(qmpringan msapuh pnsuan) • kndsans dha o kmbgurah dxgal ka pusu na • trnsamat • mangal ni trnsurux yayung uri • sbiyaw o niqan gaya ptasan dqras • wada pkaran miyah kmlawa ka Nihung • ptasan dqras nil o niqan pusu smeanak kndsans Truku • aji wana pgkla qmpringan seelja ni ptpusu mdakil ka laqi • mhuqil ka seelja o mtduwa musa mtmay tuxan rudan pklawa •



左上：錯落斷崖 (林茂耀／攝) 右上：碧綠森林帶 (林茂耀／攝)
左下：高山柱鵲 (林茂耀／攝) 右下：文面老人 (潘朝成／攝)

Dowras lyax paru 清水斷崖

Dowras lyax paru nil o wana haya ka ga siyaw pnlaq Rngayan qmita kana Truku Kiwaan dowras • maa katu Dowras pnlaq • pusu na ka dowras nil o niqan katu fasil krig • btunux liwas ni mgpajia katu fasil • yaasa klxan fasil tuma dxgal do mrana quri baraw ka fasil • duri ni ini



臺灣獼猴

pstuaq smbut fasil ka qsiya gsilung do maa rbuq gsilung katu dowras • paah Tkijig bitaaq Knlibu niqan 21kr. qnthyaqan • Ghleegan elug babaw katu dowras lyax paru nil ka sbiyaw balay o seelja Cyukuku Chin Rufayu • 13 hngkawas (1874) gmeelug elug tgdaya tg1 elug gneegan thowlang • knlwaan Nihung gleegan na mtduwa daan tdruy gmeelug muda Dowras lyax paru mnhdul 1931 hngkawas • pthnganun dha "Elug mksiyaw gsilung" sun brahan dha pthangan "Elug suhwa" ka sayang •




清水斷崖晨曦 (林辰儒／攝)

Gbiyuk Truku 太魯閣峽谷

Yaasa ini pstuaq mrana quri baraw ka fasil do • kiya do ini pstuaq muda kmari quri truma ka Yayung Paru mural na hi duri ka knmalu fasil liwas btunux manu saw kiya muda yaa piya 10 kmbkiyan hngkawas bitaaq 100 kmbkiyan hngkawas do maa "Gbiyuk Truku" da • Elug paru hmaut kska Taywang o paah Rangah tlaway bitaaq Hakaw Duyung o niqan mkndux bi liwas btunux • kiya ka suyang bi qtaan dxgal Gbiyuk Truku uri • Kingal elug nil o saw bi sneexan utux gbiyuk fasil btunux liwas • niqan duri bling tlaway saw cili rangah na • suyang bi qtaan • Dowras Pnsiran • Dowras Huci • gbiyuk 9 riqi ni btunux sayux Hakaw Duyung •

Yaasa mkkatu dowras saw smilusg ka hnigan ayug gbiyuk • aji msleexan hraan ni mtgutu • ga muudus kska na hi ka hru muudus o saw ka dmgiyal skradan hmr fasil ka pusu na • kska na hi spria sksik Taywang • qtaan bi muudus kska gbiyuk ka hmr



莫氏樹蛙

saw nil • mdka bi saw ga spqaya fasil • mtnuwing sbghur •

Elug paru hmaut kska Taywang nil o muda tglihug Gbiyuk Truku • 45 hngkawas Cyukuku 7 idas 7 jiyax prajing gmeelug • 5 kbkuy hiyi ni o kbkuy hiyi o mndka gmeelug mniq ini pnka gleegan • gmeelug siida wada mhuqil asaw bgihur paru ni runug дума ka seelja • 4 hpucing 3 kbkuy kmbkiyan pila ka wada diyun • 3 hngkawas • tg 9 idas ni 18 jiyax kiya o 49 hngkawas Cyukuku 5 idas 9 jiyax do daan tdruy kana ka elug nil •



大理岩峽谷 (林茂耀／攝)

Qhuni paru Ngahu 碧綠神木

Qhuni paru Ngahu o ga mniq • 128.3kr. elug paru hmaut kska Taywang • yaa bi 2,150 tnegkalan dgiyaa paah gsilung • qulit pungu sun (suyang knux qulit pungu sun uri) • yaa bi niqan 3200 hngkwasan na da • kiya o • tgrudan bi qhuni ga kska elug paru hmaut kska Taywang • kiya o qhuni mgimax dgil llabang mabaw hmr kneuxul dxgal • qtaan bi kdjiyax thngay kska maaw ka rulung kuung suyang atann • Ga dalih na hi duri o rahua na qhuni qulit pungu rulung ni xiluy qulit pungu • duri o embanah mabaw qhuni Taywang qhuni mhungul mabaw ni qhuni saw бага mabaw • dhuq kmpriyux ka kpuhan ni misan do embanah kana ka mabaw suyang bi qtaan •

Yaasa lala balay keelgan ka qhuni maaw • mgay aji hmut knlala uqun mneudus bbuyu ni sngayan • pusu bi sngayan mneudus bbuyu ka hini • kiya o milt bbuyu • pada • rapit bhgay dhi niqan paru • tfgkska ni tgbilaq ni saw ka dmanga unuh wawa dha mneudus • duri o glaquung • silsil niqan qlung ni tglwaaq bukuy qbhni o muudus kska na hiya uri saw bi qrasan mneudus ka dxgal nil •



碧綠神木 (林茂耀／攝)

Dgiyaa Bburaw 合歡山

Ga mniq tgdaya Dgiyaa paru ka ppngpung Dgiyaa Bburaw • mssil mstrung hi ka bgihur yayung Ranyang ni Yayung Paru • kiya do pelyah bi smhuda ni qmuyux ka hiya •

Qulit pungu Taywang ni skuy Dgiyaa Sabiq ka pusu bi hru muudus hiya • kngkingal hngkawas nhdaan 4 idas bitaaq prajing 6 idas do qhuni leylay Dgiyaa Sabiq ni qhuni leylay Taywang o emppah kana • msiyang mgpajia hru na skuy Dgiyaa Sabiq • 6 idas bitaaq 9 idas ga emppah kana ka sspriq dgiyaa • kpuhan do mthibung ka mabaw aqhuni mdngu • wana bi qulit pungu ka msiyang mgpajia lni kmpriyux • jiyax shadaan • siida mubung pngpung dgiyaa mdka saw ga bungun xiluy bhgay • kiya ka kiya lala ga muudus bi qtaan •



野香豬

Qbhni Yeynriaw • Cawmey Taywang ni qbhni Cyuhungcuchey o ga mqraraskaya kska skuy ni ayus qhuni naaw kana • hraan skuy ni hrus lmu btunux o ga mksa muudus hiya ka silu Dgiyaa Hagay • rapit jimung o



合歡北峰 (林茂耀／攝)

pusu bi muudus Dgiyaa Bburaw • qowilt kalus ni qulit naaw ka pusu bi uqun dha • uqun mneudus o lala mrana • ini pstuaq niqan •

1914 hngkawas kmrmux mkan Truku ka thowlang kmlawa Taywang Nihung • mssil pngpung Dgiyaa Bburaw ni ayug lyax pngpung dgiyaa nklaan hidaw tmbabuy musa kmrmux alang Truku ga mniq siyaw Yayung Paru • nhdaan balay do asaw kklawa alang Truku gmeelug elug phiyug sapah knsat • 1934 hngkawas pnaan dha gmeelug maquri ryaxan hidaw • brahan gmeelug "Elug Bburaw" paah quwaq Gbiyuk Truku maquri ryaxan hidaw mkala Dgiyaa Bburaw dhuq alang Paran ga ribaaq •



南湖柳葉菜

太魯閣峽谷 (莊明景／攝)



玉山杜鵑（林茂耀／攝）



砂卡礑溪（林茂耀／攝）



臺灣紅檉城（林茂耀／攝）



南湖圓谷（劉庭昌／攝）

Elug kksaan 健行步道

遊憩據點里程及海拔高度



◆Elug Pnstrngan Tkijig (750M)

Ga mniq elug paru Suhwa(tg9 elug) ka quwaq elug Pnstrngan Tkijig nli(174.7kr) , kiya o elug paru smudal bnarah smnal elug , mtbalay bi ksaan ngayan qmita Dowras lyax paru , suyang bi qtaan gsilung paru ni mniq suyung bi smngsan Yayung Paru , ksaan musa ni miyah o yaa nigan smka lyax tuki o



清水斷崖（林茂耀／攝）

◆◆Elug Wayay qsiya (08K)

Dgiyaaq Wayay qsiya nli o ga kska Dgiyaaq Bburaw 3.237mtr. tnekgalan dgiyaaq paah gsilung kmbragan , kingal sun "Kbkuy Dgiyaaq Taywang" o quwaq elug nli o ga mniq 14 lituk 34.3kr. hiya , yaa bi nigan smka lyax tuki ksaan dhaan ka ququy dgiyaaq , paah ququy dgiyaaq dmeeda qmita o labang balay qtaan , ga tbaun dgiyaaq , kiya o pppngung Dgiyaaq Bburaw , pppngung mssnegul Dgiyaaq kbiyun , mmiqai saalu Yayung Paru , ana ga thiyaq gaing ka Dgiyaaq Towpuk , ququy Dgiyaaq paru o ida qtaan bi kana o

Elug Wayay qsiya nli o malu bi daan miying kmeuruy muodus mniq Dgiyaaq paru , kiya o qulit pungu mskuy Taywang , qulit Dgiyaaq Sabiq , skuy Dgiyaaq Sabiq , 5 idas emphpah ka qhuni leylay Dgiyaaq Sabiq , rbagan do emphpah kana ka Dgiyaaq paru , duri ni ga muodus hiya ka qqbhni dgiyaaq paru , kiya o qbhni Cyuhungcuchey , Yeynrlaw , Ciawrlaw , ana rabang saan rmangay qmita ka saw nli o



石門山步道（林茂耀／攝）

- ◆ Pgkka elug suyung qtaan mtduwa saan laqi ni rudan
- ◆◆ Pgkka elug ksaan asi ka embiyax hiyi muda

◆Elug Skadang (4.1K)

Elug Skadang nli paah tmayan bitaq Brayaw (3sapah)o yaa bi nigan 4.1kr. qnthiyaan , kmbragan musa ni miyah o yaa bi nigan 4 lyax tuki ksaan , mtduwa paah breenux Truku muda elug Blaaq Pnsiran mlutut elug Skadang , elug nli o snlan dha mkksiyaw Yayung Skadang , mtsaw bi ka qsiya Yayung Skadang ni mka tknmaan ka tasil ga ska qsiya kiya ka hmgt dowriq dseejiq suyung bi qtaan o

Hmru lllu tnekgalan dgiyaaq paah gsilung ka qhuni swiji ni hru muodus tasil o 2 kigan ka wada spuan kingal hmru , kiya o suyung bi muodus hi ka mneudus bbyuy , kska Yayung nli o nigan kbowlung yayung ni qsurux yayung , keelgan strayux , qqbhni meeniq yayung , kkuwi maaw , qhuni dgiyaaq ni dmanga unuh wawa na mneudus , nasi ta tlgisan bi qmita o ida ta qtaan ka nigan dha o

Mkleelug ta mksa elug Skadang o nigan mtbalay dxgal glang yayung , kiya o dxgal Swiji ni Brayaw tnekdang Truku sbiyaw , manu saw kiya do malu bi giman knkia kndsan Truku sbiyaw ka hini o



砂卡礑溪水石之美（林茂耀／攝）

◆◆Elug Spuhan Gbiyuk (2K)

Spuhan Gbiyuk nli o sapah aji sshungi wada mhuqil seejiq gmeelug elug paru hmaut kska Taywang , ga hraan qsiya ka truma sapah spuhan ni pthnganun dha "tqlaq skiya gbiyuk" sun dha , qsiya tqlaq nli o wada mtmay Yayung Paru , nigan daka qtaan ka smudal elug paru , mtduwa paah hiya rmangay qmita pnskyaan qsiya tqlaq katu dowras , duri o mtduwa ta qmita patas lhwag saw ciwi ga katu dowras , nigan sapah spuhan nli , mriqi saqlu ka Yayung Paru ni ga mniq katu dowras o tntunan sapah Truku ni tntunan tuki o

Elug Spuhan Gbiyuk ni kingal elug mtqiri katu dowras , paah sapah thmkuan Changkwang mkkala hakaw lbay , mkkglang steetu muda sapah tntunan tuki bitaq smudal hakaw . Yaa bi kingal lyax tuki ksaan,mkleelug ta o mtduwa paah ququy baraw dmeeda qtaan dowriq kana ka dalih suyung bi qtaan dgiyaaq ni yayung , mkleelug o nigan aji hmud knlala ka hncian phiyug patas btunux edaan seejiq gmnelug elug paru hmaut kska Taywang , ana bi rabang muda ta qmita nli o daan ta thmuku ni lmgling o



長春祠（林茂耀／攝）

◆Elug Rangah Tlaway (1.25K)

(Rangah Tlaway → hakaw Empucing) Elug rangah tlaway o elug smudal bnahan smmalu gmeelug elug paru hmaut ska Taywang , elug suyung qtaan mseupu daan seejiq ni tdruy , tgsuyang bi yahan qmita seejiq mniyah uri , mksa ta elug nli o mka ta gisu mniq kska gbiyuk Truku , tduwa ta smdalis saw skwiun sneexan utux gbiyuk katu dowras , duri o mtduwa ta qmita patas lhwag saw ciwi ga katu dowras , nigan tlaway mtbtrih skaya hiya , mka bi saw pagta knkia dha skaya o

Yaasa qnabil katu dowras nli o saw bi smisug , kiya da nigan saw misug paah baraw mtucing ka btunux , asaw aji hnuya seejiq o pabubu ka muda hiya dseejiq , babaw nyahan bgihur paru ni mtrunug paru o iya usa mtmay hiya o



燕子口（林茂耀／攝）

◆Elug Duyung (2K)

Elug nli o paah Duyung bitaq Empucing ga yaa bi nigan 2kr. qnthiyaan ksaan , tgi elug grleegan knlwaan Nihung mkkala tgbilaaq bi pnpung Dgiyaaq Bburaw , yaa bi 1 lyax tuki ksaan , paah hiya padeeda ta qmita suyung ayug Yayung Paru ni elug paru hmaut kska Taywang , 2 knxalan ka elug muda baraw ka kingal ni muda tuma ka kingal mstrung hini , mkleelug ta o qtaan ta ga hmru katu dowas hiya ka hru muodus tasil , qtaan ta ana inu ka qhuni basi , hncian Nihung ka ringtang utux aji sshungi wada gliqun Truku muda qmita along Truku siida , pgkka endaan sbiyaw ka elug ni uri o



綠水步道（林茂耀／攝）


◆Elug Dowras (2.1K)

Quwaq elug tmayan o ga mniq Tpdu ryaxan hlaw 800mtr , mskbug mkksiyaw Yayung wahir , Yayung Takiri , tqlaq dowras , Bling Uway ni mbiyax saqlu tmabuy Yayung Gbiyuk , balay bi ka saw nli smeanak bi elug nli o elug msalu pus samaw han , 1981 hngkawas siida wada laxan ini salu do ngalan elug qtaan da o

Tqlaq Dowras ni paah aquy dowras mtucing quri tuma ka qsiya na , mtucing ka qsiya tqlaq ni o nigan snlu qcinuh saan mhiyug rmangay amita , embahang ta hnang qsiya "tung , rung" msa mhnang , rmangay ta qmita qsiya gbiyuk mbiyax saqlu , brah na smka ka elug nli o msteita balay , mtduwa ta smkul tdruy ppaan mmarux seejiq ni tdruy ppaan laqi rbnaw . lala bi bling anuran ka elug nli , manu saw kiya do nuda hiya o psramal nanak samaw djilun o



白楊瀑布（林茂耀／攝）



Kari dmakar

Saw gaya Rngayan qmita kana kwaan tgi13 ga , kska Rngayan qmita kana kwaan o sdakar ka nuda saw nli :

- ◆Dmakar mkug angaya , smbarig , gmbul qaya , lning peadas , muda gaya dmakar ka tmsamat , mangal hmru ni mneudus , btunux ni angaya snlan o
- ◆dmakar madas puniq , gasil qjubung , ana rawa , quci lungaw samaw , sapuh psahu ni duma na hi ptjiyal mangal , phuiqi samat ni paluqih samat , aji uri o angaya sapuh psahu phuiqi mneudus bbyuy ka mtmay Rngayan qmita kana kwaan o
- ◆Dmakar ka hmud phiyug sbtigan , mlgug sbtigan , aji uri o psdmhaw o
- ◆Dmakar pthngay rbug dxgal , smmalu dxgal aji o amada dxgal enlaxan o
- ◆Dmakar phiyug smmalu spuhan , smmalu barys , aji uri o amapang patas lalak pgkla o
- ◆Dmakar ini angal patas snruwaan rahug na hi ka paru bi quwaq mijas , mssil mtahu , mhapuy bbyuy , muduh siyang , psahria spria tmabuy , tmapaq yayung , mkracw qsiya ,

mkaraw tasil , pabahang samaw pgkla , mtaqi bbyuy , pawsa pgkla hnang samaw aji uri o dmuy angaya phnang pgkla , dmuy angaya kiky pskiyaun (gasil)kana saw nli euda o

- ◆Dmakar aji qdaan o hmud amada lungaw gumu , pawritung , qaya snlu gumu , qaya snlu xiluy , ngari anqan ni duma ini ksburaw qaya ida nigan , aji uri kuring enlaxan o
- ◆Dmakar kska Rngayan qmita kana kwaan o psprug lalak , qngul tahut , pskiyaun , murus lalak mhuqil seejiq ni duma saw pagluh seejiq qaya o
- ◆Dmakar hmud rmdu tdruy qmaya daan tdruy ka kska Rngayan qmita kana kwaan o
- ◆Dmakar smeeliq angaya kska Rngayan qmita kana kwaan o
- ◆Dmakar amada malax tmbgan , pawsa mneudus aji uri o dmanga mneudus bbyuy o
- ◆Dmakar mtmay ka nigan patas pgkla dmakar tmayan aji uri o ini angal patas snruwaan ini tduwa mtmay elug Pnsiran o
- ◆Dmakar madas tmbgan mtmay dxgal kmlawa o

mneudus bbyuy , kmlawa patas endaan sbiyaw ni aji hmud kmalu dxgal qtaan o (rahug na hi ka mkksiyaw elug paru) o

- ◆Mtmay ni mlatat kmlawa dxgal mneudus bbyuy o dmakar ka hmud kmprux elug snruwaan ddaan elug ni tqian , kiya ka kiya ni nasi mstrung saw smisug o ini htani kiya o
- ◆Dmakar ka hmud mtmay ni rwah elug aji uri o hmud tgiwx paah ida bnkgan mwahan elug daan o
- ◆Ini angal patas snruwaan o dmakar ka phiyug patas pgkla aji sshungi aji uri o saw duma pgkla aji sshungi o

pgkla aji hnuya seejiq mniyah

◆Mkksiyaw elug paru hmaut kska Taywang nli o paah lllu tnekgalan dgiyaaq paah gsilung mna quri bbaraw tnekgalan dgiyaaq paah gsilung paru bi kmprux ka karat , mquiri ta tgksa ni tgbaraw tnekgalan dgiyaaq paah gsilung ka seejiq o asi ka psramal mkndux lukus , duri o paah

Kbayan bitaq Kwanyen o mrslung kuung alahang balay o

- ◆Mkleelug elug paru hmaut kska Taywang ni mkksiyaw elug , tai saw babaw quyx paru ni mrunug paru ga kingal lyax ngayan o jiyax saw smisug snuan bi mtucing btunux , iya bi usa hiya ni aji uri o qihangi o
- ◆Qihangi bi mtucing ka bibilax btunux ni paru btunux , ksilkaw balay maraw musa quri brah ni pthnganl rmngaw ka duma seejiq uri , embahang btunux mtucing ka seejiq o ini tduwa musa brah ni asi sapah tasil siyaw elug ni baga o pniqi babaw tunux , tpupuk tluung o
- ◆Mniq 700 mtr , quri baraw tnekgalan dgiyaaq paah gsilung , yaasa ungat ka

hngak hgtun seejiq ni mlh quri tuma biyx bgihur ka seejiq o qtaan hngak ni mskkaw balay ka utux baga aji uri o mrawa , qtaan hngak , meuwil ni mtrih saw nli o mmarux dgiyaaq paru sun , asi nari embimah lllu tnekgalan dgiyaaq paah gsilung o

- ◆Mstrung mneudus bbyuy siida iya kligul ni shiyagi mhiyug , saw aji hnuya ni iya pskiwi ni iya adali uan o
- ◆Rbagan ni kpuhan o qihangi balay ka quyan ni bgiya o
- ◆Qihangi balay ka ranaq tahut o
- ◆Mstrung mneudus bbyuy siida iya kligul ni shiyagi mhiyug , saw aji hnuya ni iya pskiwi ni iya adali uan o
- ◆Rbagan ni kpuhan o qihangi balay ka quyan ni bgiya o
- ◆Qihangi balay ka ranaq tahut o
- ◆Mkmusa mtmay dxgal Dgiyaaq paru o psramal balay ka angaya djiyun steetu dgiyaaq , mtmay ga kmlawa mneudus ni hmru o asi ka nigan patas snruwaan o

duri o nigan ka seejiq mnangal patas nli o ngaw anawal mgagan o

- ◆Suyang bi qtaan dxgal o saw smisug saan uri , alahang ka aji hnuya lsa nanak ni tnqayan su , enduwal bi kmaraw ka llingay nigan namu , purug gaya Rngayan qmita kana Truku Kwaan ni gaya dmakar o

Qnawal rngangan slingan

- ◆Qpahan kmlawa Rngayan qmita kana Truku Kwaan o (03) 8621100-6
- ◆Sapah kmlawa elug paru Suhwa (03) 8621491
- ◆Sapah kmlawa dgiyaaq Bruwan (03) 8612528
- ◆Sapah kmlawa Tpd (03) 8691129
- ◆Sapah kmlawa Dgiyaaq Bburaw (04) 25991195
- ◆Sapah apahan knsat tgi7 ampringan,tgi9 paru anpringan (03) 8621405-6
- ◆Engsan Truku (03) 8621405-6
- ◆Engsan Tbulu (03) 8691202
- ◆Engsan Dgiyaaq Bburaw (04) 25991191
- ◆Glaban patas samaw seejiq mniyah : tarokan@taroko.gov.tw
- ◆Kali elug samaw : https://www.taroko.gov.tw/



青背山雀（陳順興／攝）



青剛櫟（林茂耀／攝）



山羌（廖慶坤／攝）



謝大花椒（林茂耀／攝）



南湖山桐樹（張王蓮／攝）



臺灣蜜山杜鵑（林茂耀／攝）